

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), a vezano za član 14. Zakona o izvršavanju Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj 19/12), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 114. sjednici, održanoj dana 25.06.2013. godine, d o n o s i

ODLUKU

o preraspodjeli rashoda u Budžetu Zeničko-dobojskog kantona za 2013. godinu

Član 1.

(Predmet)

Odobrava se preraspodjela rashoda planiranih u Budžetu Zeničko-dobojskog kantona za 2013. godinu za budžetskog korisnika iz nadležnosti Ministarstva za obrazovanje, nauku, kulturu i sport-Univerzitet u Zenici.

Član 2.

(Način prestrukturiranja rashoda)

Preraspodjela rashoda vršit će se na sljedeći način:

- na razdjelu 22, budžetska organizacija 04, potrošačka jedinica 0010 – Univerzitet u Zenici, umanjuju se rashodi planirani iz vlastitih sredstava na pozicijama:

613100- Putni troškovi za	9.400,00 KM
613300- Izdaci za komunalne usluge za	59.000,00 KM
613700- Izdaci za tekuće održavanje za	8.000,00 KM
613800- Izdaci osiguranja i bankarskih usluga za	5.800,00 KM
613900 MCC 901 – Izdaci po osnovu privremenih i povremenih poslova za	226.900,00 KM
821300- Nabavka opreme za	34.000,00 KM
821500- Nabavka stalnih sredstava u obliku prava za	1.700,00 KM
821600- Rekonstrukcija i investiciono održavanje za	5.300,00 KM
Ukupno:	350.100,00 KM

- na razdjelu 22, budžetska organizacija 04, potrošačka jedinica 0010 – Univerzitet u Zenici, uvećavaju se rashodi planirani iz vlastitih sredstava na poziciji 614800 – Izvršenje rješenja o izvršenju za 350.100,00 KM.

Član 3.

(Planiranje u Izmjenama i dopunama Budžeta)

Preraspodjela iz člana 2. ove odluke biće sastavni dio Izmjena i dopuna Budžeta Zeničko-dobojskog kantona za 2013. godinu.

Član 4.

(Prioritet plaćanja)

Prilikom plaćanja stvorenih obaveza budžetskih korisnika, prioritet u plaćanju imaju proknjižene obaveze iz vlastitih sredstava Univerziteta u Zenici po osnovu glavnog duga iz Rješenja Porezne uprave Federacije BiH, Kantonalni porezni ured Zenica, o pokretanju postupka prinudne naplate, broj: 13-4-01-15-21-156-01/13-S.A. od 28.01.2013. godine, do konačnog izmirenja obaveze.

Član 5.
(Realizacija Odluke)

Zadužuje se Univerzitet u Zenici da ostatak potrebnih sredstava u iznosu od 390.000,00 KM (slovima: tristotinedevedest hiljada konvertibilnih maraka) obezbijedi isključivo iz vlastitih sredstava.

Ministarstvo finansija – Odsjek za planiranje i izvršenje budžeta, Ministarstvo za obrazovanje, nauku, kulturu i sport i Univerzitet u Zenici, u skladu sa zakonom i podzakonskim aktima realizuju ovu odluku svako u okviru svojih nadležnosti.

Član 6.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-_____ /13.
Datum, 25.06.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Univerzitet u Zenici (putem ministarstva),
- 1x Ministarstvo finansija-Odsjek za planiranje i izvršenje budžeta,
- 1x „Službene novine Zeničko-dobojskog kantona“,
- 1x a/a.

O b r a z l o ž e n j e

Pravni osnov:

Razlozi za donošenje ove odluke sadržani su u članu 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj: 7/10), i članu 14. Zakona o izvršavanju Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12).

Razlozi za donošenje:

Rješenjem Porezne uprave Federacije BiH, Kantonalni porezni ured Zenica, o pokretanju postupka prinudne naplate, broj: 13-4-01-15-21-156-01/13-S.A. od 28.01.2013. godine, naložena je uplata utvrđene obaveze Univerziteta u Zenici na ime glavnog duga u iznosu od 741.338,78 KM i zateznih kamata u iznosu od 304.135,40 KM.

U skladu sa odredbama Zakonu o dopunama Zakona o visini stope zatezne kamate na javne prihode (“Službene novine Federacije BiH”, broj: 28/13), koji je stupio na snagu 11.04.2013. godine, omogućeno je podnošenje zahtjeva nadležnoj organizacionoj jedinici Porezne uprave najkasnije do 30.06.2013. godine za iskorištavanje prava na otpis kamata, ukoliko porezni obveznik u cjelosti izmiri obaveze glavnog duga najkasnije do 31.12.2013. godine.

Budžetski korisnik, Univerzitet u Zenici će iskoristiti pravo na mogućnost otpisa zatezne kamate i izvršiti prijavu u skladu sa Zakonom, a odgovarajućim uštedama na pojedinim vrstama troškova planiranih iz vlastitih sredstava obezbijediti početna sredstva za uplatu dijela glavnog duga u iznosu od 350.100, 00 KM.

Međutim, da bi se navedena sredstva mogla realizovati, potrebno je izvršiti preraspodjelu na ekonomski kod 614800- Izvršenje rješenja o izvršenju, koji u Budžetu Zeničko-dobojskog kantona za 2013. godinu nije bio predviđen.

Vlada Zeničko-dobojskog kantona na sjednici održanoj 28.03.2013. godine, na prijedlog Ministarstva finansija, pokrenula inicijativu za donošenje Izmjena i dopuna Budžeta za 2013. godinu (Zaključak broj: 02-14-7162/13 od 28.03.2013. godine), te se trenutno provode aktivnosti kod budžetskih korisnika na rasporedu zadanih iznosa po odgovarajućim vrstama troškova.

Uzimajući u obzir sve gore navedeno, kao i činjenicu da će uskoro biti utvrđene Izmjene i dopune Budžeta za 2013. godinu, predlažemo Vladi da, zbog specifične situacije u pogledu obaveze izmirenja utvrđenog iznosa javnih prihoda i efikasnosti izvršenja Rješenje Porezne uprave, donese ovu odluku, a nadležno ministarstvo i Univerzitet u Zenici vode računa da u saradnji sa Ministarstvom finansija Odluku uvrste u Izmjene i dopune Budžeta za 2013. godinu.

Razliku sredstava za uplatu glavnog duga u iznosu od 391.239,00 KM, Univerzitet u Zenici će planirati u Izmjenama i dopunama Budžeta za 2013. godinu iz vlastitih sredstava na istoj poziciji, tj. na ekonomskom kodu 614800- Izvršenje rješenja o izvršenju.

Finansijski pokazatelji:

Donošenje ove odluke ne zahtijeva obezbjeđenje dodatnih sredstava u Budžetu za 2013. godinu, radi se samo o preraspodjeli vlastitih sredstava radi omogućavanja izvršenja dijela glavnog duga po Rješenju Porezne uprave, Kantonalni porezni ured Zenica.

Napominjemo, da i prilikom donošenja Izmjena i dopuna Budžeta za 2013. godinu neće doći do uvećanja Budžeta, već će Univerzitet u Zenici izvršiti preraspored vlastitih prihoda u strukturi troškova, radi namirenja ovog i preostalog dijela duga.

MINISTAR

Mirko Trifunović